

MEMORIA DE ACTIVIDADES 2020

FUNDACIÓN VIGO EN DEPORTE- VIDE

A Fundación Vigo en Deporte (VIDE) foi declarada pola Orde do 4 de febreiro de 2002 coma entidade de interese galego con rexistro no Protectorado da Xunta de Galicia, este é, o “Servizo de Rexistro e Asesoramento de Entidades Corporativas e de Dereito Privado da Consellería de Presidencia, Administración Pública e Xustiza”.

O Padroado da Fundación Vigo en Deporte neste intre está constituída polas entidades Concello de Vigo e PSA Group membros fundadores desta organización de natureza fundacional.

Fins fundacionais

Os fins fundacionais ou obxectivos iniciais e que mantemos no tempo son:

“O fomento e promoción do deporte a través do apoio, difusión e axuda ás entidades deportivas da cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e ao resto da sociedade en xeral” (art.6 dos Estatutos Fundacionais).

Destinatarios

A Fundación Vigo en Deporte ven desenrolando a súa actividade fundamentalmente mediante o apoio aos tres sectores deportivos que conforman a totalidade do deporte vigués:

- clubs e entidades deportivas
- deportistas individuais
- deporte popular e de base

Órganos de goberno

1. Padroado

É o máximo órgano de goberno da Fundación e está formado por dous membros de cada unha das entidades

Concello de Vigo: D. José Manuel Fernández Pérez (presidente en funcións e vicepresidente)

PSA Group: dous representantes

Secretario: D. José Riesgo Boluda

2. Comité Executivo

Este órgano está integrado por un representante de cada entidade.

Programas de Actuación:

MEMORIA DE ACTIVIDADES 2020 FUNDACIÓN VIGO EN DEPORTE- VIDE

1. XOGOS POLIDEPORTIVOS DE REIS

Os Xogos Polideportivos de Reis son unhas xornadas nas que os/as mais pequenos/as practican diversas disciplinas deportivas e nas que prima o aprendizaxe e perfeccionamento contando coa colaboración de federacións e clubs deportivos da cidade de Vigo.

Esta actividade tivo lugar dende o 2 ao 4 de xaneiro; en horario de 9h a 14h e de 16h a 20h, salvo o último día que houbo so horario de maná.

A idade dos/as participantes estivo entre os 4 e os 14 anos.

Tódolos/as nenos/as estaban cubertos polo seguro da federación ou mutualidade correspondente ou por un seguro privado a cargo da organización.

Os “xogos” ubicáronse no Complexo Deportivo Municipal de Travesas (Pista Central, Vermella, Rodadura, Frontón e Campo de Fútbol).

As actividades deportivas levadas a cabo baixo a coordinación de Sergio González contaron coa colaboración dos clubs deportivos: C. B. Seis do Nadal-Coia (baloncesto), Ciclista Vigués (ciclismo), Xuvenil de Teis (voleibol), Aspofusa (fútbol sala) e Milucho (fútbol 8) coas escolas deportivas de Samil.

A clausura realizouse o día 4 de xaneiro de mañá coa presenza do Alcalde; e con medallas e froita para tódolos/as participantes. O clube de ximnasia rítmica Maniotas realizou unha actuación neste acto.



MEMORIA DE ACTIVIDADES 2020 FUNDACIÓN VIGO EN DEPORTE- VIDE



2. LIGA DE NATACIÓN ESCOLAR

A Liga de Natación Escolar son tres xornadas dominicales deportivas de natación de base con inscrición por colexios; no emprazamento da Piscina Municipal do Carme nas Travesas. Estas xornadas están organizadas pola Fundación VIDE, Concello de Vigo, e o Club Natación Vigo Rías Baixas.

As xornadas deste ano non se poideron levar a cabo pola situación sanitaria de pandemia co Covid-19.

MEMORIA DE ACTIVIDADES 2020 FUNDACIÓN VIGO EN DEPORTE- VIDE

3. SIAREIROS 20/21

“Siareiros” é un entorno compartido para clubs deportivos, adheridos a este programa e os seus socios. Beneficiándose ambos colectivos dos descontos, axudas, e demais actividades de cara ao fomento do deporte da cidade e o apoio das entidades deportivas.

Os clubs comprométense coa Fundación a vender este carné recadando para eles integramente o importe de 5€. E reciben unha subvención segundo os siareiros acadados polo club na tempada (cun mínimo de cen) e segundo o gasto en instalacións municipais para as súas bases. E os beneficios para os/as portadores do carné son poder participar en sorteos, promocións e gozar de descontos nos establecementos colaboradores da Fundación.

A duración deste programa é por tempadas.

Os obxectivos son alentar ao deporte base da nosa cidade co fin de crear unha sociedade cimentada nos valores deportivos da honestidade, solidariedade e saúde; axudar aos equipos de Vigo a facerse un oco no máis alto do deporte nacional e a posibilidade para os equipos de base de Vigo de poder adestrar nas instalacións municipais.

A Fundación crea o carné “siareiros” como instrumento de afiliación e recadación para os clubs. A través dun programa informático instalado na páxina web da Fundación, www.vide.es os clubs introducen nunha base os datos dos/as afiliados/as ao seu club. Posteriormente, a Fundación personaliza os carnés co nome, apelidos, número de siareiro, escudo do club, ...



Nesta ocasión o acto de presentación tivo lugar o martes día 6 de outubro no pavillón Central das Travesas, ás 20:00 horas contando cunha pequena representación dos clubs integrantes do programa e os patrocinadores da fundación, pola situación sanitaria de pandemia polo Covid-19.



MEMORIA DE ACTIVIDADES 2020 FUNDACIÓN VIGO EN DEPORTE- VIDE



Os trinta e oito clubs participantes na campaña son:

A.D. GALICIA SOCIAL
A.D. CARBALLAL BALONMÁN
ARENAS DE ALCABRE SCD
BALAÍDOS C.F.
BALONA LINENSE, F.S.
C.D. FREESTYLE SLALOM VIGO
C.P. ALERTA NAVIA
C.A.R.P.A.
C.B. SEIS DO NADAL-COIA
C.B.SAN JOSE DE LA GUIA
CIES SQUASH
CIOS VIGO
CLUB DEPORTIVO AMFIV
CLUB BADMINTON RACHAPLUMAS
CLUB BALONMÁN SEIS DO NADAL-COIA
CLUB BEMBRIVE MOSTEIRO F.S.
CLUB CASTRELOS PATINAXE ARTIST.
CLUB CICLISTA VIGUÉS
CLUB DE LOITA SAN IGNACIO

CLUB DE LUCHA CIUDAD DE VIGO
CLUB DEPORTIVO A PAZ 03
CLUB DEPORTIVO BOSCO
CLUB FLIC FLAC
CLUB PATIN VAGALUME
CLUB VIGO VOLEIBOL
C.N. VIGO-RIAS BAIXAS
CORUXO F.C.
ESCOLA DEPORTIVA MOBE
ESCUELAS DEPORTIVAS VIGO2015
F.V.P.R. EL OLIVO
HÓCKEY CLUB CIES
MANIOTAS
NATACIÓN SINCRO. RÍAS BAIXAS
PATINAJE BALAÍDOS
SÁRDOMA, C.F.
TRAVIESAS H.C.
UNION BALONMAN LAVADORES
XUVENIL TEIS DE VOLEIBOL

MEMORIA DE ACTIVIDADES 2020 FUNDACIÓN VIGO EN DEPORTE- VIDE

4. CAMPAMENTOS POLIDEPORTIVOS

Os campamentos polideportivos atópanse dentro dos programas realizados durante o verán e que engloban beneficios sociais coma:

1. *Promoción do estilo de vida saudable.*

Dados os índices de incremento de obesidad e inactividad entre a poboación infantil, dende a Fundación VIDE promovemos as prácticas saudables para mellorar as condicións de vida. Así pois, fomentar a adquisición de hábitos alimentarios saudables e hábitos de vida activos é a mellor aprendizaxe que podemos transmitir aos nosos/as nenos/as para unha maior calidade de vida presente e futura. Os/as participantes no nosos campus polideportivos se familiarizan co deporte en xeral e con deportes específicos que non coñecían, ben por ser minoritarios ou polo deficitario interese destes/as polas actividades físicas, tanto en espazos abertos como en pabellones deportivos. Así mesmo, fomentamos a alimentación variada e equilibrada. Durante todos os días do campamento deben comer como mínimo unha peza de froita que lles facilitamos a o longo da xornada.

2. *Integración de nenos/as con discapacidades físicas e/ou psíquicas. Visibilidade do deporte adaptado.*

A integración de nenos/as con discapacidade ou necesidades especiais en actividades habituais supón para eles/as unha mellor inserción na sociedade en xeral e para os seus compañeiros/as o mellor xeito de aprender valores relacionados coa diversidade e a tolerancia.

En numerosas ocasións contamos nos nosos vinte anos de campus coa presenza de nenos/as con algún tipo de discapacidade e/ou necesidade específica (incluídas as alimenticias) e integráronse perfectamente aos seus compañeiros/as e ás actividades coa colaboración inestimable dos/as monitores/as.

Do mesmo xeito, incorporamos dende o nacemento do campus o deporte adaptado ou inclusivo, o que supón dar maior visibilidade a estes deportes así como, os seus beneficios a nivel de sensibilización, coñecemento e respecto á diferenza.

3. *Conciliación familiar.*

O noso actual estilo de vida supón que en moitos dos casos ambos pais traballen; e dadas as extensas vacacións estivais, sexa un sobreesforzo para as familias adicarse ao coidado e ocupación dos/as nenos/as durante este período.

Conciliar a vida persoal, familiar e laboral é un dereito da cidadanía e unha condición fundamental para garantir a igualdade entre mulleres e homes.

Os campus polideportivos favorece a disposición horaria aos pais durante esas semanas seguintes á finalización do curso escolar, cun amplo horario que facilita en gran medida a conciliación familiar e a garantía de que durante eses días os pequenos da casa van contar con actividade lúdica pero tamén educativa.

4. *Promoción da igualdade entre mulleres e homes.*

A loita pola igualdade de xénero implica que homes e mulleres deben recibir os mesmos beneficios, as mesmas oportunidades e ser tratados co mesmo respecto.

MEMORIA DE ACTIVIDADES 2020 FUNDACIÓN VIGO EN DEPORTE- VIDE

Ao amparo deste principio e esixencia real tanto social como individual, non diferenciamos en ningún dos grupos das actividades por razón de sexo.

Cada neno/a realiza o exercicio segundo o seu esforzo e capacidades e sempre dentro do seu goce persoal.

Os grupos divídense por idades e na realización dos deportes os equipos fórmanse integrando ambos sexos.

Ademais contamos con practicamente a mesma proporción de monitoras que de monitores.

5. Loita contra o bullying.

O tan tristemente famoso bullying ou acoso, presente cada vez en maior medida na contorna dos escolares, é unha preocupación palpable na nosa sociedade. Nos nosos grupos de actividades fomentamos a comunicación e o diálogo entre compañeiros e compañeiras e a resolución de problemas de forma amigable. Deportivamente é prioritario o “xogo limpo” e así como, o defendemos no ámbito deportivo, tamén facemos que os/as nenos/as o extrapolen a todas as relacións e actividades persoais diarias.

En esencia promover a empatía, e sempre “poñerse no lugar do outro”.

6. Fomento da diversidade cultural.

Reflexo da nosa sociedade cada vez máis rica e diversa culturalmente é tamén os nosos campamentos pois en todos estes anos contamos con gran variedade de nacionalidades ou descendentes de cidadáns doutros países favorecendo a interacción coa variedade de culturas.

A existencia dunha sociedade intercultural leva a considerar escenarios de convivencia que permiten a comunicación entre individuos e grupos sociais culturalmente diferentes.

7. Coñecemento da contorna xeográfica e cultural.

A contorna xeográfica e cultural marcou, durante toda a historia da humanidade, que somos, canto crecemos como seres humanos e canto desenvolvemos o enorme potencial que temos dentro. Temos que destacar a contorna física, climatolóxico e cultural inigualable que posuímos no litoral das Rías Baixas e máis concretamente en Ría de Vigo.

A nosa cultura e tradición secular fíxonos ser cidadáns envorcados cara á contorna mariña. Para mostrar nosa gran riqueza mariña ás novas xeracións, cada ano realizamos unha excursión en barco. En anos anteriores esta excursión realizábase ás belísimas e tan admiradas mundialmente Illas Cies.

Nos últimos anos redescubrimos o outro lado da nosa ría, que é na Península do Morrazo alternamos as visitas aos pobos costeiros de Moaña e Cangas, con toda a súa diversidade litoral(conta con innumerables arenais) e cultural (arraigada tradición pesquera).

No ano 2020 pola situación sanitaria levouse a cabo o campamento de Travesas en dúas quendas de participación, cada unha de unha semana (de luns a venres) . Se realizaron as actividades deportivas cos máximos requisitos hixiénicos e protocolos sanitarios demandados polas autoridades competentes.

MEMORIA DE ACTIVIDADES 2020

FUNDACIÓN VIGO EN DEPORTE- VIDE

CAMPUS POLIDEPORTIVO DAS TRAVESAS

As datas deste ano atrasáronse ate mediados de xullo (do 13 ao 17 de xullo e do 20 ao 24 de xullo), nas instalacións do Complexo Deportivo das Travesas.

A xornada foi de 9.00 a 14.00 horas dende o luns ao venres.

Coa recepción dos nenos/as de 8.30h a 9.00h para manter as distancias de seguridade entre nenos/as e grupos. Ademais, da toma de temperatura e hixienización de calzado e máns a entrada

A saída foi igualmente escalonada por grupos de 14.00h a 14.30h.

Contamos con 200 prazas(100 en cada campamento) para nenos/as de 6 a 14 anos.

A inscrición engadía un seguro privado.

Calquera neno ou nena podía inscribirse a un ou aos dous campamentos.

As actividades deportivas constaron de catro sesións deportivas dunha hora ao día cun descanso trala segunda sesión. Contamos coa colaboración das seguintes entidades:

DEPORTE	CLUB
Ciclismo	Club Ciclista Vigués
Xadrez	Club Deportivo Miralba
Bádminton	Club Bádminton Rachaplumas
Atletismo	Agrupación Viguesa de Atletismo-AVA
Patinaxe artística	Club As Rodas Patinaxe Artística-CARPA
Ximnasia	Club Maniotas
Xogos psicomotrices	Escola Deportiva MOBE

Dende o nacemento da Fundación mais de 4.700 rapaces e rapazas viguesas puideron gozar da oportunidade de achegarse á práctica dos deportes, dende a iniciación ata o perfeccionamento da man das mellores entidades deportivas da cidade.

O principal obxectivo é achegar aos rapaces e rapazas á realidade multideportiva da cidade enriquecendo o seu coñecemento e práctica deportiva, fomentando valores de convivencia e deportividade.

Consecuentemente alcánzase un segundo obxectivo, e non por iso menos importante, o apoio ao deporte de base, pois debido ao grao de éxito do programa incrementase o número de inscritos nas escolas das entidades deportivas participantes, posto que moitos destes rapaces queren continuar coa práctica do deporte que empezaron a descubrir nesta actividade estival.

O último día de cada ún dos dous campus (venres) tivemos un pequeno acto de clausura con agasallos e medallas para os participantes; entregados polo Alcalde e polo concelleiro de Deportes de Vigo.

MEMORIA DE ACTIVIDADES 2020 FUNDACIÓN VIGO EN DEPORTE- VIDE



CAMPUS POLIDEPORTIVO DE SAMIL

O Campus Polideportivo de Samil deste ano non se puido levar a cabo pola situación sanitaria de pandemia co Covid-19.

5. TORNEO INTERNACIONAL DE FÚTBOL BASE “VIGO CUP”

O Torneo Internacional de Fútbol Base “VIGO CUP” este ano non se puido levar a cabo pola situación sanitaria de pandemia co Covid-19.

6. TORNEO INTERNACIONAL DE FÚTBOL BASE SALA “VIGO CUP”

O Torneo Internacional de Fútbol Base Sala “VIGO CUP” non se puido levar a cabo pola situación sanitaria de pandemia co Covid-19.

MEMORIA DE ACTIVIDADES 2020 FUNDACIÓN VIGO EN DEPORTE- VIDE

7. *AXUDAS A DEPORTISTAS VIGUESES E VIGUESAS DE BASE DE MODALIDADES DEPORTIVAS INDIVIDUAIS*

O obxecto da convocatoria é a concesión de “Axudas a Deportistas Vigueses e Viguesas de Base de Modalidades Individuais” que auguren unha proxección inmediata ou futura para o deporte de alta competición, acreditando un rendemento inicial e unha especial dedicación á actividade deportiva.

E a súa finalidade é a de consolidar a progresión dos rendementos deportivos, destinándose a sufragar en parte os gastos ocasionados durante o período de adestramento, competicións, perfeccionamento e adquisición de material técnico durante a tempada 20/21 (dende o 1 de xullo de 2020 ao 30 de xuño de 2021)

Os/as beneficiados/as son deportistas que participaron en competicións de ámbito estatal e internacional nados despois do 1 de xaneiro de 1998.

Cada unha das axudas concedidas conta cunha dotación de 1.000 € brutos (incluídos impostos); cun total de 20 axudas. O total do orzamento para este programa é de 20.000 € anuais.

Para a concesión das axudas consideraranse os méritos deportivos obtidos polos/as deportistas durante a tempada 2020/2021.

A Comisión de Valoración observa os baremos de puntuación establecidos nas bases da convocatoria, e tendo en conta que no caso de participar en varias probas dun mesmo campionato ou copa só se ten en consideración a puntuación mais alta.

En caso de igualdade entre os deportistas, a Comisión tamén considera a discriminación positiva, si o solicitante nunca recibiu axuda de VIDE, si a modalidade é de competición ou de exhibición, o número de axudas conquistadas pola modalidade na presente convocatoria, ou si é deporte olímpico ou non, e o número de comunidades participantes no campionato e o seu impacto en número de licenzas en Galicia.

O Comité pode valorar o outorgamento de axudas especiais a deportistas no caso de situación excepcionais. Son rexeitadas as solicitudes de deportistas beneficiarios da subvención dinamizadas pola Concellería de Deportes orientada a potenciar programas de participación de deportistas da cidade de Vigo en competicións oficiais de alto nivel de carácter internacional da tempada 20/21. O/a deportista non debe estar incluído no programa “Ayudas a Deportistas Olímpicos” (A.D.O.) ou pertencer ao deporte profesional.

Ademais, contéplase a posibilidade de que as becas concedidas sexan compartidas en dúos, tríos ou cuartetos.

Os beneficiados coas axudas están obrigados a destinar a axuda aos fins para os que foi concedida, a prestar a súa colaboración e imaxe cando así se solicite por parte da Fundación VIDE e do Concello de Vigo e a facer unha axeitada publicidade da Fundación VIDE e do Concello de Vigo durante as competicións ou manifestacións deportivas.

O reparto de axudas nesta ocasión foi:

MEMORIA DE ACTIVIDADES 2020 FUNDACIÓN VIGO EN DEPORTE- VIDE

Deporte	Bolseira/o	Club
Atletismo	Eric Méndez	Real Club Celta de Atletismo
	Eva Queimaño	Atletismo Femenino Celta
	Pedro Vázquez	Real Club Celta de Atletismo
Bádminton	Manuel Miguel	Escola Rosalía
Esgrima	Mauro González	Esgrima Vigo El Olivo
Halterofilia	Amy Abelleira	Club Halterofilia Vigo
Kickboxing	Alberto Loureiro	Gimnasio Simón
Natación artística	Blanca Fidalgo	Real Club Náutico de Vigo
	Candela Fidalgo	
Remo	Pedro Cabrera	Club Remo Vigo
Squash	María Domínguez	Independente (*)
	Mateo Rodríguez	Cíes Squash
	Sofía Rodríguez	
Taekwondo	Fernando Davila	Kae Sport
	Samuel Meilán	Gimnasio Escuela Tao
Vela	Luis Sampedro	Real Club Náutico de Vigo
	Pedro Salgado	
	Rosalía García	
	Tirso Cerqueira	Club Marítimo de Canido
Ximnasia	Anaís Flores	Sieiro Acrobacia Vigo

(*) *licenza federativa independente*

O acto de entrega de “AXUDAS A DEPORTISTAS VIGUESES E VIGUESAS DE BASE DE MODALIDADES DEPORTIVAS INDIVIDUAIS TEMPADA 2019/2020” foi na Pista do Pavillón Central de Traviesas, o martes día 15 de decembro as 20h, contando coa presenza do Alcalde e o concelleiro de Deportes de Vigo; os/as becados/as, e as entidades patrocinadoras de VIDE.



MEMORIA DE ACTIVIDADES 2020 FUNDACIÓN VIGO EN DEPORTE- VIDE

POLIDEPORTIVO

VIDE entrega becas por 20.000 euros a veinte deportistas sub 23

REDACCIÓN • Vigo

Las becas VIDE 2020 por la temporada 2019/20 alcanzaron en esta séptima edición a 20 deportistas sub 23 de once disciplinas. Atletismo, bádminton, esgrima, gimnasia, halterofilia, kickboxing, natación artística, remo, squash, taekwondo y vela tuvieron como mínimo un representante, que en el caso de la vela se elevó a cuatro.

Las becas premiaron los mejores resultados de una veintena de jóvenes valores, entre los que se encontra-

ban un campeón del mundo juvenil (Tirso Cerqueira, Marítimo de Caniño) y seis nacionales (Alberto Loureiro, kickboxing; Anaís Flores, tumbling; Amy Abeleira, halterofilia; Blanca Fidalgo, natación artística; Eric Gómez y Pedro Vázquez, atletismo), pero también podios nacionales y mundiales.

Esta ayuda, por los resultados comprendidos entre el 1 de julio de 2019 y el 30 de junio de 2020 ha alcanzado a deportistas vigueses de un total de trece clubes o gimnasios de la ciudad. El Náutico fue el más representado, con cinco becados.



El alcalde Abel Caballero y el concejal Manel Fernández, ayer con los becados en As Travesas. // FdV

40 ATLÁNTICO

DEPORTES



El alcalde de Vigo, Abel Caballero, estuvo presente en la entrega de las becas VIDE para deportistas sub-23.

Las veinte promesas

El pabellón Central de As Travesas albergó la entrega de las becas VIDE a deportistas sub-23

POR INVESTIGACIÓN

REDACCIÓN • Vigo

Las becas VIDE 2020 por la temporada 2019/20 alcanzaron en esta séptima edición a veinte deportistas sub-23 de once disciplinas. Atletismo, bádminton, esgrima, gimnasia, halterofilia, kickboxing, natación artística, remo, squash, taekwondo y vela tuvieron como mínimo un representante, que en el caso de la vela se elevó a cuatro hasta completar los 20.000 euros

con que la Fundación Vigo en Deporte dota este programa.

Tras seis ediciones en el antiguo salón de plenos de la Casa Galega da Cultura, los protocolos Covid-19 obligaron a utilizar la pista del pabellón Central de As Travesas como auditorio, con los familiares que acudieron al sencillo acto siguiéndolo desde la grada.

Las becas premiaron los mejores resultados deportivos de una veintena de jóvenes valores, entre los que se encontraban un campeón del mundo juvenil (Tirso Cerqueira, Marítimo de Caniño)

Hasta once disciplinas estuvieron representadas con liderato para la vela con cuatro miembros

y seis campeones nacionales (Alberto Loureiro, kickboxing; Anaís Flores, tumbling; Amy Abeleira, halterofilia; Blanca Fidalgo, natación artística; Eric Gómez y Pedro Vázquez, atletismo), pero también podios nacionales y mundiales.

En el acto intervino el alcalde de Vigo, Abel Caballero, que felicitó a todos los deportistas por sus resultados, incidiendo en que va a continuar su apoyo al deporte porque "la pandemia no nos va a parar", pidió a todo el deporte "unidos" porque "tenemos que ver hacia el futuro, que es nuestro", y reconoció que la presencia de la iniciativa privada en VIDE "es un símbolo para entender la ciudad, tiene más valor en el ámbito de la presencia y cooperación con el Concello, que es lo que me gusta, que en la aportación".

MEMORIA DE ACTIVIDADES 2020 FUNDACIÓN VIGO EN DEPORTE- VIDE

8. PREMIOS VIDE

Tódolos anos a Fundación VIDE concede a principios de ano os recoñecementos no ámbito do fútbol e do fútbol sala.

En cada nova edición recoñécese o labor do fútbol (incluíndo ao fútbol sala) vigués, e tamén a súa proxección a nivel nacional, aplaudindo o traballo das entidades deportivas futbolísticas da cidade.

Nos últimos anos os galardóns véñense repartindo polos seus méritos e traxectoria aos/as mellores: futbolista e promesa; futbolista feminina, directivo/a, entidade deportiva, árbitro e patrocinador.

O acto de entrega tivo lugar o 11 de febreiro no Museo de Arte Contemporáneo (MARCO) as 19h. E os/as homenaxeados foron:

Antón de Vicente Adrio (Coruxo FC)	Mellor futbolista
Lara Martínez Velázquez (SCDA Matamá)	Mellor futbolista feminina
Antía Pérez García	Mellor futbolista sala feminina
José Daniel Costas Fernández (Balaídos CF)	Mellor directivo
Juan Manuel Fernández Domínguez	Mellor directivo sala
Eduardo González Cerdán(SCDA Matamá)	Mellor adestrador
Jorge Cuesta Bello (Real Club Celta)	Mellor adestrador base
Unión Deportiva Santa Mariña	Mellor club
S.D. Cristo de la Victoria	Mellor club
E.D. Vigo 2015	Mellor club sala
José Antonio Varela Varela	Mellor arbitro
María Trinidad Pérez Riveiro	Mellor arbitra
Vitrassa - Avanza / Mobility ADO	Mellor patrocinador
Carlos Rabadán González	Traxectoria
Manuel Gómez Fernández	In memoriam



MEMORIA DE ACTIVIDADES 2020 FUNDACIÓN VIGO EN DEPORTE- VIDE



9. SAN SILVESTRE

Carreira multitudinaria é lúdica o derradeiro día do ano na que a Fundación colabora coa súa organización. Nenos e maiores, veciños e visitantes poderán despedir o ano practicando deporte na cidade de Vigo na San Silvestre. A carreira téñen un percorrido de 4 kilómetros e con de inscrición de balde.

A Carreira da San Silvestre este ano non se puido levar a cabo pola situación sanitaria de pandemia co Covid-19.

10. TORNEO NADAL

Torneo de fútbol base con equipos locais e do resto de España e internacionais. Con duración dunha semana a final do ano. Partidos por categorías con nenos e nenas de 4 a 16 anos.

Esta actividade non se puido levar a cabo pola situación sanitaria de pandemia co Covid-19.

11. VIGO XADREZ

Xornadas lúdicas e competitivas de aprendizaxe e perfeccionamento das técnicas de xadrez. Entre os beneficios desta actividade están que axuda a pensar, é accesible para tódalas persoas, incrementa a capacidade lectora, facilita a concentración e o razoamento, potencia a memoria e creatividade, invita a tomar decisións e resolver problemas, estimula as intelixencias múltiples, exercita os hemisferios cerebrais, ensina a planificar, executar e analizar accións táctico-estratéxicas, eleva o coeficiente intelectual, prevén e mellora enfermidades como o TDA, TDH, e axuda a relacionarse co entorno social.

Esta actividade non se puido levar a cabo pola situación sanitaria de pandemia co Covid-19.

12. VIGO PATINAXE

Xornadas deportivas de patinaxe desenroladas a través dos clubs da cidade nas instalacións municipais deportivas.

Esta actividade non se puido levar a cabo pola situación sanitaria de pandemia co Covid-19.

MEMORIA DE ACTIVIDADES 2020 FUNDACIÓN VIGO EN DEPORTE- VIDE

13. VIGO XIMNASIA

Xornadas deportivas de ximnasia desenroladas a través dos clubs da cidade nas instalacións municipais deportivas.


Esta actividade non se poido levar a cabo pola situación sanitaria de pandemia co Covid-19.

14. PROGRAMA DE COMUNICACIÓN

Desenrolo dos canais de comunicación e información das actividades deportivas viguesas.

Este programa recolle:

- Páxina web (www.vide.es). Durante este ano e o seguinte a páxina vai ser rediseñada e actualizada por completo para conseguir unha páxina web, áxil, dinámica e que permita unha boa información nos seus contidos.



- Páxina no diario decano Faro de Vigo. Coma ven sendo habitual Faro de Vigo renovou a súa colaboración por medio dun convenio coa Fundación cedendo unha páxina tódalas semanas, e dende o mes de setembro a maio. Nesta páxina se recollen noticias deportivas de actualidade, encontros, eventos deportivos, etc. chegando a un sen fin de persoas por ser un dos diarios de maior tiraxe. Ademais, Faro de Vigo implicase notablemente con publicacións diarias dos eventos mais importantes de VIDE.

MEMORIA DE ACTIVIDADES 2020 FUNDACIÓN VIGO EN DEPORTE- VIDE

42• PUBLICIDAD FARO DE VIGO JORNAL 13 DE DECEMBRO DE 2020

CONCELLO DE VIGO

Vigo é seu

Os equipos femininos que patrocina o Concello xa superan aos masculinos nas divisións nacionais

Con elas
Da dúca de clubs de elite, sete son femininos (58%)

Deporte individual
VIDE mantén a discriminación positiva na súa axuda

Patrocinio
Deportes destina 208.500 € ao seu apoio directo

BECAS 2019-2020
ATA O 3 DE DECEMBRO!!

vide FARO DE VIGO **HYUNDAI HYUNPUSA VIGO** **GADIS** **ALCANTARA**

www.deportes.vigo.org
www.vide.es

FARO DE VIGO JORNAL 13 DE DECEMBRO DE 2020 PUBLICIDAD • 45

CONCELLO DE VIGO

Vigo ten canteira dabondo

O Concello felicita as entidades de base, que remataron o ano cunha morea de medallas

Ximnasia acrobática
Deportes marca unha pida acrobática para exercicios libres na ETEA

Eventos
O World Padel Tour, estrela do programa de campeonatos de alto nivel

Premios VIDE
Fútbol e fútbol sala terán os seus galardóns pola tempada 19/20

vide FARO DE VIGO **HYUNDAI HYUNPUSA VIGO** **GADIS** **ALCANTARA**

www.deportes.vigo.org
www.vide.es

FARO DE VIGO JORNAL 13 DE DECEMBRO DE 2020 PUBLICIDAD • 45

CONCELLO DE VIGO

Vigo, co deporte seguro

Apoio do Concello á actividade dos clubs, que se mantén coas normas sanitarias

Somos saúde
A máscara, presente nos adestramentos

Somos mecenas
Concello e empresas, xuntos en VIDE

Somos base
Voltan as bolsas VIDE para deportistas

BOLSAS 2019-2020
ATA O 3 DE DECEMBRO!!

vide FARO DE VIGO **altia** **GADIS** **ALCANTARA**

www.deportes.vigo.org
www.vide.es

40• PUBLICIDAD FARO DE VIGO JORNAL 13 DE DECEMBRO DE 2020

CONCELLO DE VIGO

Bo e seguro Nadal, deportistas!

Abel Caballero lembrales que "o futuro é voso" e anima ao Vigo deportivo a preparar 2021

Axudas 2020
Entregadas 50.000 € ao talento individual

Apoio clave
49 deportistas nas axudas municipais e de VIDE este ano

Hai canteira
300.000 € para 140 deportistas dende 2016

vide FARO DE VIGO **HYUNDAI HYUNPUSA VIGO** **GADIS** **ALCANTARA**

www.deportes.vigo.org
www.vide.es

MEMORIA DE ACTIVIDADES 2020

FUNDACIÓN VIGO EN DEPORTE- VIDE

15. OUTROS PROGRAMAS DE PROMOCIÓN DEPORTIVA

Dende o nacemento da Fundación VIDE se ven desenrolando a campaña de captación de voluntariado deportivo denominada "VOVI", é dicir, "Voluntario/a Vide", onde o obxectivo é a dinamización da actuación voluntaria no ámbito deportivo, na realización de actividades ou eventos deportivos que precisan da axuda da cidadanía.

En Vigo celébranse ao ano mais de 150 eventos deportivos, que van dende o mais alto nivel nacional, internacional e mundial, ata aqueles populares organizados nas parroquias da nosa cidade. De forma xeral, todos e cada un destes eventos e actividades deportivas, demandan unha colaboración para facer efectiva a súa organización, é dicir, solicitan os medios humanos de cara a colaborar en diversas áreas de organización. Estas actuacións en materia deportiva, pola súa tradición e repercusión, enxalzan cos principios universais de unión, amizade e participación de distintos pobos e culturas. É por iso que a Fundación participa coa súa cidade mediante o voluntariado deportivo como signo de solidariedade e cordialidade.

Neste ámbito de traballo a actuación dos nosos VOVIS centrase cada ano en cubrir os eventos e actividades deportivas propios da Fundación.



Por último, é importante a colaboración que mantemos coa Agrupación Deportiva Vigo entidade organizadora da competición "Vigo en Xogo". Esta competición conta cuns 3.000 participantes dende setembro a xuño nos deportes de fútbol sala, fútbol 7, fútbol 11 e baloncesto. A nosa axuda pasa pola cesión de espazo nas nosas oficinas, e apoio a organización a través de nosa web. Este ano a competición parou dende marzo polo estado de emerxencia.

Ademais de coa familia deportiva viguesa a Fundación Vigo en Deporte, colabora co Concello de Vigo pola estreita vinculación que nos une, nos programas levados a cabo pola Concellería de Deportes ao longo de todo o ano (Gala do Deporte, RunRun....).

Fundación Vigo en Deporte